

pakaru; otiira he mea enei no waho. Tera ke te mea e kitea ai te ata tupu o nga mahi a te Hahi, ko te tu o te tangata, kei te neke ake ranei ki te pai, kei te pewhea ranei. Te timatanga o te mahi a te Hui o te Hahi Maori, ko te takiwa i muri tata iho i te whawhai. Kua timata i reira te mahi a te Ringa-tu, ara nga iwi i whawhai ra ki te Kawanatanga. Te houhanga o te rongu kihai i mahue nga karakia rere-ke; e whakaparahako tonu nei ki nga taonga i whakawhiwhia mai nei e Te Karaiti ki tana Hahi. No muri mai ka puta ko te Momona, e whakapeau ke nei i nga kupu o te Karaipiture hei tuara mo nga korero tito a tona poropiti; tauri tonu atu hoki etahi o nga tangata o te Hahi ki reira. Ko nga tangata kihai nei i whai i era karakia, he tokomaha kei te noho whakaaro-kore noa iho, me te mea kahore ano kia rongu noa ki te Rongo-pai o Te Karaiti; e ngakau-nui ana ki nga whakaahuareka o te ao; kua kore e matakuri i te haureangi waipiro; ko te kanikani, ko te haka nga mea e paingia ana; e waiho ana hoki ko enei mea hei whakaware i te tangata kei puta te whakaaro ki nga mea e paingia ana e te Atua, ki nga mea e ora ai te wairua, hei huarahi hoki mo nga tamariki ki te tini noa iho o nga mahi tutu. Otiira ehaia i te mea no enei anake te he. Tetahi take o te mate, kei nga tangata whakaaro o te Hahi, kei te hunga e mau tonu mai ki te whakapono, ki nga Hakarameta hoki a Te Karaiti; he korou-kore, he ahua whakauana no te karakia ki te Atua; kua iti haere te hiabhi ki te Wairua o te Atua hei noho ki roto ki te tangata, hei whakakaha, hei whakatapu, kia ngakau-nui ai ki nga mahi pai; na koni hoki i wareware ai ki te inoi, i kore ai e hono te pa ki te Hapa a te Ariki hei mea e whai kaha ai, e whai manawa ai te wairua. Ko te moepaku, me etahi atu mahi pera, kahore e whakahengia. Ko nga tamariki, e whakatupuria ake ana ko te taha anake ki te tinana, ki nga mahi o te ao, kahore hoki e ata whakakoua ki nga mea e tika ana kia mohiotia kia whakaponoahia e te tangata hei mea e ora ai te wairua. Tera ano tetahi he, ko te tauri o te turoro ki te atua ma ari, e parau nei te tohunga, he mana whakaoa ano tona. He tohu enei mea no te mate; kua kore nei hoki he kaha e hinga ai i a tatou te hoa riri; kua hinga ke nei ko tatou i a ia. Te take, he wareware no tatou ki to tatou Kai-whakakaha, he kore whakapono ki nga kupu a Te Karaiti mo te u ki roto ki a ia e taea ai e tatou nga mahi pai katoa. Mehemea e hauroa ana to tatou whakapono, kua iti haere nga mahi he i roto i a tatou, kua riro mai hoki i a tatou o tatou hoa kua kotiti ke nei ki nga paraparaa a te tangata.

Tetahi mea kua whakaritea e Te Karaiti, ko te Hahi kia whai minita hei tangotango i nga Hakarameta, hei tohutobu, hei whakaako i te iwi; ko te minita hoki kia whai oranga i runga tana mahi, kia watea ai ia i etahi o nga mahi o te taha ki te tinana, kia u tonu ai ki tana mahi minita. He tangata reianao te minita, he pera me te tokomaha, e pangia ana ano e te mate. Kotahi te minita kua tangohia e te Atua i roto i a tatou, ko Rev. Eruera Kawhia.

He nui hoki te pouiri kua tau mai ki a tatou.

He roa te takiwa i pangia ai e te matemate, me te whakaputa ano ia i te uaua ki tana mahi. Ko tona ngakau-nui ki te mahi i a ia e ora ana he mea e nui ai ta tatou whakawhetai ki te Atua i whakakaha nei i a ia. Tenei ano kei te rapua he whakakapi mo tona turinga. Te mea e roa ai, he ruarua mo nga taitamariki e hiabhi ana ki taua tu mahi. Kei te mohio koutou ki te kura i Te Aute, ki te kura hoki i Akarana, ara ki a Tipene. Hua noa ko nga tamariki o ena kura hei tangata mo Te Raukahikatea kia hua ai he minita hei whakakapi mo nga pariba e tuwhera kau ana.

Tera ko tenei, kua mahue a Te Raukahikatea inaianei i nga taitaua o ena kura; kua kore e hiabhi kia tae ki reira, ki te Karaiti e ata whakakoua ai hei minita. He aha ranei te take i kore ai nga taitamariki e anga mai ki tenei mahi? Tetahi take pea, he tiro ki te iti o te oranga mo te minita, i rua ai he mahi manua, ko te mahi a te minita, ko te mahi hoki a ora ringaringa i te oranga mona, mo tana wahine, mo ana tamariki. Ko tetahi mea ano tenei hei tirolanga ma nga tangata o te Hahi, ara ko te whakaraua i te oranga mo nga minita, kia kore ai he whakaware mo ratou i renga i a ratou mahi minita. Tenei ano kua hoki haere nga hua o nga taitaua oranga minita, hei enei tau e haere ake nei ka iti rawa ai. Ma te iwi ano tenei mate e whakaaro.

Me whakamahara koutou e ahau aianei ki te tikanga kua takoto i te Hinota Nui i mua ake nei, mo tetahi tangata maori kia pootitia e nga tangata o te Hahi i tenei takiwa hei mema mo te Hinota o te Pihopitanga. Te marauna e pootitia ai ko Hume e takoto ake nei. He mea pai kia puta he kupu mai tenei Hui mo te tangata e paingia e te iwi katoa kia pootitia, kia kore ai he rapurapu a te wa e pootitia ai.

Heoi ma te Atua e tohutobu enei mahi a tatou kia rite ai ki tana e pai ai.